



## INGRESO MÍNIMO VITAL

[Real Decreto-lei 20/2020, do 29 de maio, polo que se establece o ingreso mínimo vital.](#)

**Obxecto:** Prestación non contributiva da Seguridade Social de natureza económica que garante un nivel mínimo de renda a quen se atope en situación de vulnerabilidade.

### Requisitos:

- Ter entre 23 e 65 anos, ou 18 anos si hai menores a cargo.
- Cumprir un ano de residencia legal e efectiva en España de forma continuada.
- Antes da solicitude ter vivido independentemente durante 1 ano no caso de familias e 3 anos as persoas solas e, neste caso, haber cotizado á seguridade social 1 ano. \*
- Haber solicitado previamente as prestacións as que se puidera ter dereito.
- Estar inscritas como demandantes de emprego.
- Non superar o nivel de ingresos e patrimonio.

\* Non será necesario para persoas vítimas de trata de seres humanos e de explotación sexual e mulleres vítimas de violencia de xénero.

**Vulnerabilidade económica** Apreciarase que concorre este requisito cando a media mensual do conxunto de ingresos e rendas anuais computables da persoa beneficiaria individual ou do conxunto de membros da unidade de convivencia, correspondentes ao exercicio anterior sexa inferior, polo menos en 10 euros, á contía mensual da renda garantida con esta prestación e non dispoñer de patrimonio con valor superior as contías seguintes:

Patrimonio neto máximo €/año		Adultos		
		1	2	3
Menores	0	16.614 €	23.260 €	29.905 €
	1	23.260 €	29.905 €	36.551 €
	2	29.905 €	36.551 €	43.196 €
	3	36.551 €	43.196 €	43.196 €
	4	43.196 €	43.196 €	43.196 €

Por norma xeral os ingresos computables son todos os do ano anterior da persoa ou das persoas que forman parte da unidade de convivencia. Este ano haberá un réxime excepcional para persoas que non perciban prestación ou subsidio de desemprego, unicamente para o cómputo de rendas e que a situación de vulnerabilidade se producira durante o ano en curso e os ingresos do ano 2019 non superen o 50% dos límites establecidos para toda a unidade de convivencia; no ano 2021 procederase á regularización.

**Unidade de convivencia:** persoas que residen nun mesmo domicilio unidas por matrimonio, parellas de feito ou por vínculo ata o segundo grado de consanguinidade, afinidade, ou garda con fins de adopción ou acollemento familiar permanente.

**Contía:** será a diferenza entre os ingresos mensuais que teña a persoa ou unidade de convivencia e a renda garantida, sendo as contías máximas as seguintes:

- 462 euros ao mes para una persoa adulta que viva soa.
- Cando se trate de unha unidade de convivencia esta cantidade incrementarase en 139 euros ao mes por cada persoa adicional ata un máximo de 1.015 euros ao mes.
- Engadirase un complemento de 100€ as familias monomarentais ou monoparentais.

Este documento ten exclusivamente carácter divulgativo sen que o seu contido teña valor xurídico vinculante.



# CONCELLO DE CAMARIÑAS

## A CORUÑA



Renta garantizada €/mes	Adultos		
	1	2	3
Menores			
0	462	600	738
1	700	738	877
2	838	877	1.015
3	977	1015	1.015
4 o más	1.015	1.015	1.015

**Outros beneficios:** estarán exentos da aportación da prestación farmacéutica ambulatoria.

As persoas as que se lles recoñece o ingreso mínimo vital nos meses de xuño a decembro de 2020 estarán exentos do pago dos prezos públicos por servizos académicos universitarios si foi denegada a súa concesión de beca por superar os límites de renda e patrimonio durante o curso 2020/2021

**Prazo e efectos económicos:** poderase solicitar desde o 15 de xuño e si se pide ata o 15 de setembro terá carácter retroactivo desde o 1 de xuño. Si se presenta con posterioridade ao 15 de setembro os efectos económicos fixaranse o día primeiro do mes seguinte á presentación da solicitude.

**Prestación transitoria:** concederáse de oficio ás familias beneficiarias da prestación familiar por fillo menor a cargo sen discapacidade da seguridade social que reúnan os requisitos establecidos.

**Réxime excepcional por carencia de rendas:** persoas que non perciben prestacións ou subsidios de desemprego poderán presentar a solicitude si se atopan en situación de vulnerabilidade económica producida durante o ano 2020 e que os ingresos no ano 2019 non superen o 50% do límite establecido para a unidade de convivencia.

**Solicitude e documentación:** realizarase no modelo normalizado acompañada da documentación necesaria para xustificar o cumprimento dos requisitos, preferiblemente polos canais telemáticos (sede electrónica da Seguridade Social, na que haberá un asistente virtual e un simulador).

- Para acreditar a identidade: DNI, libro de familia ou certificado de nacemento, pasaporte...
- Para acreditar a residencia legal en España: inscrición no rexistro central de estranxeiros, tarxeta de cidadán de Unión Europea ou autorización de residencia.
- Para acreditar o domicilio en España: volante de empadramento.
- Para acreditar a existencia da unidade de convivencia: volante de empadramento colectivo, libro de familia, certificado do rexistro civil ou inscrición en el rexistro de parellas de feito.

**Mais información** na Seguridade Social: [www.seg-social.es](http://www.seg-social.es) teléfono gratuito 900202222

Camariñas, 8 de xuño de 2020

**A concelleira de Servizos Sociais e Igualdade,**

  
Begoña Tajés Méndez

Este documento ten exclusivamente carácter divulgativo sen que o seu contido teña valor xurídico vinculante.